

Ilinniagaqartut 16-it 25-illu akornanni ukiullit kalaallisut oqaaseqartut, meeqqat atuarfiannit anillutik ilinniakkamik ingerlatsisinnaanerat anguniarlugu, ilinniarfiit sorliit annertuumik aningaasartuuteqarfiunngitsumik isersinnaanermut piumasagaataasa ilinniartitsissutillu ilinniartunut kalaallisut oqaasilinnut nalimmassarneqarnissamut piukkunnaateqarnerannik misissuineramik UPA 2018-imi saqqummiunneqartussamik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.
(Inatsisartunut ilaasortaq Mimi Karlsen, Inuit Ataqatigiit)

Pillugu

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap

ISUMALIUTISSIISSUTAA

Siunnersuutip aappassaneerreqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Mimi Karlsen, Inuit Ataqatigiit, Siulittaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Henrik Fleischer, Partii Naleraq

UPA2017-imi ulloq 15. maj 2017 siunnersuutip siullermeerneqarnerata kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Ilinniagaqartunut kalaallisut oqaasilinnut, 16 aamma 25 akornaanni ukiulinnut meeqqat aturfiani naammassinermik kingorna ilinniakkat suut ilinniagaqarfigissallugit naleqquttuunersut siunnersuuteqartup siunnersuutikkut misissorneqarnissaa kissaatigaa. Misissuinermi pingaartinneqassaaq ilinniagaqalernissamut oqaatsitsigut piumasaaqatit aamma ilinniartitsinermit atortut, kisianni aningaasartuuteqarnerulernermik kinguneqanngitsut.

2. Siunnersuutip inatsisartuni siullermeerneqarnera

Siunnersuut Inatsisartunit Naalackersuisunillu tunngaviatigut tapersorneqarpoq. Ilinniartitsinermit atortut nutserneqarneranut aningaasartuutit qanoq annertutigisumik kissaatigisanut naapertuunersut siullermeerininnermi oqallisigineqarput. Tamama saniatigut suliniutip qaqugu ingerlanneqarnissaa oqallisigineqarpoq – tamanna oqaatsitigut ajornartorsiutit pilersillugit imaluunniit meeqqat aturfiaata nammineerluni iliuuseqarneratigut, taamaalilluni ajornartorsiutit pilinnginnissaat minnerpaaffianiitinnissaalluunniit anguniarlugu.

3. Siunnersuutip ataatsimiititaliamit suliarineqarnera

Inuttaasunik kalaallisuinnaq oqaasilinnik imaluunniit kalaallisut oqaasilinnik killilimmillu danskisut piginnaasalinnut 16-nit 25-nut ukiulinnik amerlanerusumik ilinniartitseriaatsitta tigusaqartalernissaanik kissaateqarnertut siunnersuut manna ataatsimiititaliamit isigineqarpoq. Ilinniartitaanerup pitsaassusaa attatiinnarneqassappat tamatumunnga tunngaviatigut ataatsimiititaliaq isumaqataavoq. Ilinniartitaanerup pitsaassusaa attatiinnarneqanngippat ilinniagaqareersimasut piginnaasaasa isigineqarnerinut akornutaaqataasinnaavoq. Misissuinermi soraarummeernermi oqaatsitigut piumasaaqatit naleqqussarneqarnissaat kiisalu illinniartitsinermi aningaasartuutaasartut *“annerusumik aningaasartuuteqarfiummikkut”* pillugit misissuisoqarnissaa siunnersuuteqartup taasissutissami ersarissumik oqaatigaa. Tamanna ataatsimiititaliamit siammassissumik paasineqarpoq, tassani piffissami sivikitsumi annertunerusumik aningaasartuuteqarfiusut kisiisa pinnagit aamma piffissaq ungasinnerusooq isigalugu annertunerusumik aningaasartuuteqarfiusut misissorneqarnissaat eqqarsaatigineqarlutik, assersuutigalugu ilinniartitaanerup imarisaanik ikilisaaneq imaluunniit Kalaallit nunaanni inuttaasut allat oqaatsitsigut ikinnerussuteqartut ilinniagaqalernissaannut killilersuilersinnaanerup misissorneqarnissaa eqqarsaatigineqarlutik. Inuttaasut annertunerusumik ilinniagaqalernissaat tamatta soqutigisaraarput, kisiannili inuttaasut imminnut inuiaqatigiinnullu iluaqutaasumik pitsaasumillu ilinniartinneqassapput.

Ilinniartitsilluni atortut naleqqussarneqarnissaat pillugu misissuinermit tunngatillugu pingaaruteqarpoq eqqaamassallugu ilinniartitsissutit tassaaginnanngimmata atuakkat, immiussat, videot il.il., kisiannili internet annertunerusumik atortariaqarpoq ilinniartitsinermilu

atorneqarsinnaalluni atorneqartariaqarlunilu. Internetsimi paasissutissat nutaarsiassaajunnaarneri sioqqullugit nutserneqarsinnaanginneri soorunami ersarippoq.

Siunnersuutip siullermeerneqarnerani Naalackersuisut ima oqaaseqarput:

“Isernissamut oqaatsitsigut piunasaqaatit ilinniartitsissutillu naleqqussarnerat annertuumik aningaasartuuteqarfiumngitsumik pisinnaasoq siunnersuuteqartup naatsorsuutigaa.”

(Naalackersuisunit akissuteqaat)

Ataatsimiititaliaq isumaqarpoq Naalackersuisut paasinninnerat eqqunngitsuusoq. Taamaalillugulu siunnersuuteqartup siunnersuumminut aningaasatigut allaffissornikkullu kingunissaritinneqartut kisiisa pigai ataatsimiititaliamit erseqqissarneqarpoq, tamannaammammi inatsisartut siulittaasoqarfianit aalajangersarneqarsimasutut ilusiliinissamut piunasaqaatinut naapertuuttoq. Taamaalilluni naleqqussaannerup kissaatigineqartup qanoq aningaasartuutaanerusinnaaneranut siunnersuuteqartoq isummersoqqullugu piunaffigineqarsinnaangilaq, tamannarpiaammammi siunnersuuteqartup siunnersuutikkut Naalackersuisunut misissorneqartissallugu kissaatigisaa.

Siunnersuummi matumani ajornartorsiut suna pineqarnerisooq ilisimatitsissutaasumik ataatsimiinnerni arlalinni ataatsimiititaliamit ilisimaneqalersimavoq. Pissutsit maannakkut atuuttut oqaluttuarisaanitsinnik arlalitsigut tunngaveqartinneqaraluartut nunatsinni ilinniagaqarfinnut isernissamut ilinniartuutitsinnut piunasaqaatigut danskit ilinniartuutiminnut piunasaqaataannit sooq qaffasinnerussanersut oqaluttuarisaanermi tunngavilerneqarsinnaangilaq. Tamanna ajornartorsiutaavoq, tassami Kalaallit nunaanni inuttaasut inuusuttut ilinniakkanik sunilluunniit toqqaasinnaammata taamaalillutillu danskit ilinniarfiinut assingusunut qinnuteqarnissaminnik toqqaasinnaammata. Assersuutigineqarsinnaavoq sanasutut ilinniarneq, kalaallit nunaanni sanasutut ilinniarnermut qinnuteqassagaanni piunasaqaataavoq tuluttut kiisalu umaatsulerinnermut/kemimut piginnaasaqarnissaq, tamanna Danmarkimi piunasaqaataangilaq.¹ Tamatumunnga atatillugu Naalackersuisut misissuinnermi kissaatigineqartumik suliaqarnerminnut atatillugu ilinniagassamik killilerneqarani qinersisinnaatitaaneq eqqarsaatigissagaat ataatsimiititaliamit kammattuutigineqassaaq.

Misissuinnerup takutissappagu ilinniagaqarfiit piffissami sivikitsumi naleqqussarsinnaanginnerat ilinniagaqarfinnut pineqartunut nutserisoqarnissamik neqeroorteqarnissaq siunnersuummut uunga tapertatut Naalackersuisut eqqarsaatigissagaat ataatsimiititaliamit kaammattuutigineqassaaq, taamaalillutik kalaallisut oqaasillit

¹ § 37 naapertorlugu apeqqut nr. 78-2017

ilinniakkanut isersinnaaqqullugit pissutsillu piviusut malillugit naammassinninnissaminnut periarfissaqarsinnaaqqullugit. Ataatsimiititaliap paasinninnera malillugu siorngatigut tamanna atorreqartareersimavoq.

5. Siunnersuutip aningaasatigut kingunerisassai

Inatsisartut suleriaasaanni § 33 imm. 1-imi takuneqarsinnaavoq, aalajangiussassatut siunnersuutip allaffissornermi aningaasatigullu kingunerisassai siunnersuutip tunngavilersuutaani nassuiaatigineqassasoq.

Ataatsimiititaliamit maluginiarneqarpoq tamanna naapertorlugu siunnersuutip piviusunngortinneqarnerani aningaasatigut kingunissaritinneqartut suliap nutserneqarnera ilanngullugu AC-mik atorfillip ukiumut akissarsiaata affaanik annertunersussanngitsut. Taamatut naliliineq tunngaveqarpoq misissuinermi atortussat amerlanerit pigineqareernerinik. Naliliineq tamanna ataatsimiititaliap assortussallugu tunngavissaqarssorinngilaq.

6. Ataatsimiititaliap inassuteqaataa

Siunnersuut **akuerineqassasoq** ataatsimiititaliap **isumaqatigiittup** inassutigaa.


Taama oqaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaanniingassanngortippaa.




Mimi Karlsen
Siulittaasoq



Vivian Motzfeldt
Siulittaasup tullia



Laura Táunâjik



Peter Olsen



Henrik Fleischer